

Организовандамс одломаттнень кизонь досугснон

Советский одломаттне эряйхть счастливый и радостный эряфса. Сталинский Конституциясь макссь теист трудти, ваймамати и образованияти прават.

Советский правительствась и профсоюзне новляйхть лама средстват, штоба культурнайста организовандамс одломаттнень досугснон.

Одломаттнень оцю мяльсна театрати, киноти, физкультурати, культурань и отдыхонь паркненьди, туризмат и стак тов. Но к сожалению синь Мордовияса лама вастова использовандакшневихть пяк кальдявста.

Профсоюзной организациятне, кода закон нолдасть средстват, и сянь ланкс лоткасть. Интересоваться, коза и кода йотафневихть нят средстватне, ся теист и не касаетсь. Комсомольский организациятне тяфта жа практический руководства одломаттнень культурнай досугснон организовандамаса аф макссихть. Надияйхть кодама-бди иля организациянь ланкс. Тяфтама руководствомась вятесе сянди, што Саранск ошень парксь работай аф пяк цебарьста. Тясса, кода эряви аф организовандакшневи ошень одломаттнень досугсна. Паркса, коста аф коста аныцек эряй валеи: большой игра, и тосовга участвует аныцек 7—8 ломань. Ули тир, во тя тирса эрявикс работа аф йотафневи. Р а з в е аш кода пуроптомс тяза одломаттнень ляцендема—максомс Ворошиловский значоконь норматнень! —ули кода! И улихть тяди сембе возможностьтне. Тевсь аныцек организаторхнень—ВЛКСМ-нь горкомть и физкультурань и спортонь городской комитетть ланкса. А няи организаторхне тя тевса бездельничают—кальдявста заботендайхть одломаттнень досугснон колга. Паркса ули парашютнай вышка. Одломаттнень ули оцю мяльсна занимадамс парашютнай тевть мархтояга, но тиендеви ли мезевок тевса?—Мезевок аф! Ащи вышкась, пиземсь пизьси лангозонза, одломаттне якайхть ваксозонза аныцек ванондыхть лангозонза и сембе. Ламоц ильне арьсекшнихть: — „Пара дабра тифисть, но мзярда на кармайхть комотнема прястонза? Мзярда ушедыхть, комсомолонь обкомсь, горкомсь, физкультурань и спортонь комитетсь одломаттнень культурнай досугснон, организовандамост, трудна азомс. Но минь мярьголема, путомс пе тя беспечность ланкс и ладямс одломаттнень культурнай досугснон.

Ошса ули идень парк. Правда, парксь кда лац урядфтомс, пяк цебарь! Но тяндинге эряви вий, эряви урядфтомс, а сон кода эря-

ви апак урядак. Аш эсонза физкультурнай площадкат, аф йотафневихть играт и стак тов.

Саранск ошса — республикасталицазонза аш поводнай стадион. Одломаттне—спортонь кельгхне якайхть ошть эзга и афмуйхть нльня коса налхкомс футболса. Аф эряйхть вири организованнайста якамат. Мезе неят вирьста? тоса эрькусткай ала одломанень группа, конат симондихть винада и сяда меле ирепта организовандакшнихть хулиганстват. Словом и вирьсовок одломаттнень досугсна кода эряви апак организовандак. Мезьса можна азондомс сянь, што ошса и особенна ваймама шиста вирьса мекпальденъ пинкть участились хулиганский фактне? Причинась азонкшневи сянь мархта, што Саранскийнь комсомолонь горкомсь одломаттнень досугснон организовандаматцы аф шарфни кодамовок мяль. Сон аф максси эрявикс руководства сянди, штоба организовандамс одломаттнень культурнай досугснон.

Нинге сядонга кальдявста ащитевсь райоттнень эзга. Одломаттнень ули оцю мяльсна уендемс лоткаса, эшелакшнемс цебарь эшелема васта и стак тов. Но к сожалению тяфтама мероприятият Ковылкинань, Рыбкинань, Краснослободскийнь, Пурдашкань, Ельниковань и лама лия райоттнень эса нинге ашеть йотафнев и аф думандайхть йотафтомска. А няи райоттнень эса тяди улихть сембе условиятне, но комсомолонь руководителхне мес-бди аф лувонцазь тя ответственной работат эрявиксонди.

Особенна кальдявста организовандакшневи колхознай одломаттнень досугсна. Колхознень инь ламоснон эса аш физкультурнай площадкат. Колхознай одломаттнень культурнайста ваймамасна катф эсь отям молемати.

Содасазь али аф Мордовский республикаса комсомолонь и физкультурань руководителхне, што синь од поколениять воспитаниянц инкса ответственнойхть коммунистический партиять, советский одломаттнень инголе!

Видимо аф содасазь, а кда содасазь, то сознательна сязенцазь.

ВЛКСМ-нь обкомсь пяк лац содасыне нят возмутительнай фактнень, но мерат кодаптка аф примоси.

Одломаттнень кизонь досугснон организовандамац ащи комсомольский работати аф явошневи пяльсокс.

Тянь колга должетт аф юкснемс комсомольский активистне, кда синь действительна йорайхть воспитат одломаттнень большевистский духса.

Мордовский республикань сембе избирательхненди

Саранск ошень Промышленной избирательной округонь избирательхнень митингснон обращениясна

Кельгома ялгат!

Минь Саранск ошень Промышленной избирательной округонь конь эзга МАССР-нь Верховнай Совету депутатонди кармай баллотировандавома сембе трудящийсянень вождьсна, учительсна и другсна Сталин ялгась.

Минь седийньке, кода и сембе мордовский народть седийц пашкет великой радости и гордости та ся доверять и чистеть инкса, конань оказал тейнек Сталин ялгась, максомок согласия баллотировандамс МАССР-нь Верховнай Совету депутатокс.

Минь округоньконь избирателенза фкя мяльса и радость мархта голосовандайхть депутатонди всенароднай кандидатть Сталин ялгать инкса. Синь радость мархта и фкя мяльса голосовандайхть сяс, мес Сталин ялгась самодержавиянь мрачной кизотнень пингста марса Ленинонь мархта смелайста и увереннайста кепсезь рабочей классть и крестьянстват помещичье-буржуазнай стройть йордамонза, капитализмат йордамонза.

Сталин ялгась марса Ленин мархта гражданский войнань героический кизотнень пингста, непоколебимайста тюрсь рабочей классть диктатуранц торжестванц инкса. Разрухат машфтоманцинкса, социализмань строямат инкса, советский народть упорнай тюремани, аф содамок страх и сомнения, возглавлял и направлял Сталин ялгась. Сталин ялгать мудрай руководствани ала минь странаньке фталу лятфста и темнайста шарффт могущественнай, передовой индустриальной державакс. Сталин ялгать руководстванц ала тиф братский содружества—народонь единой трудовой семья, конат эряйхть великий СССР-са.

Сталин ялгась марса Ленинт мархта выпестовали афсяськовикс большевистский партиять, конац тапазень народонь сембе и всякай врачнень, конац (партиясь) уверенна вятсамазь минь коммунизмати.

Варжакстода минь прекраснай, панчфокс панжи родинаньконь картанц лангс и тинь нйасать, што аш тяфтама край, тяфтама область, тяфтама уженья, коса-ба афоледе-няй, афоледе-маря социализмат величайшай, всемирно-исторический победанзон, конатнень сатось Сталинть руководствани вельде.

Сталин ялгать руководстванц вельде мирса васенцеда земной шарт фкя котокс пяльксонза тиф социалистический общества и обеспечиндаф советский народть морально-политический единствац.

Минь странаньконь народонза большевистский партиять, во главе кельгома Сталин ялгать руководстванц вельде кемоста ащитть социалистический революциять великай завоеваниянзон ванфтомаса.

Врачнень, троцкистско-бухаринский и кровавай фашизмат буржуазно-националистический наймитонзон кодамовок тряфнемасна аф лоткафтсазь Советский странат народонзон победоноснайста молемаснон, конат сьормадозь эсь знаменазост Сталинский Конституциять. Тя знамась афсяськовикс.

Минь тернетядязь Тинь, избиратель ялгат, нинге сядонга теснаняста пуромомс минь родной Ленинонь—Сталинонь партияньконь перф и самс кочкаматненди—знаменательнай июнь 26-це шинцты коммунистонь и беспартийнайнь блокть кандиданц ала.

РСФСР-нь и МАССР-нь Верховнай Совету кочкамань великай радостнай шись кармай улема сембонди тейнек вийнь од мобилизациянь шикс, коммунистнень и беспартийнайхнень афсяськовикс блокснонды од торжествань шикс.

Минь тернетядязь, тинь избиратель ялгат, голосовандамс минь могучай родинаньконь инь цебарь ломанензон инкса, коммунистонь и беспартийнайнь блокть кандидатонзон инкса.

Минь тернетядязь тинь, васьфтемс кочкамань шить производственной од победаса, од стахановец мархта, стахановский бригада и цех мархта сянь инкса, штоба минь прекраснай родинаньке араль нинге сяда могучайкс и непобедимайкс.

Шумбра улеза коммунистический партиясь, конань руководствани ала Советский странань народтне строяйхть коммунистический общества!

Шумбра улеза минь великай Советский Союзоньконь народонзон братский семьясна!

Шумбра улеза коммунистонь и беспартийнайнь блоксь!

Шумбра улеза МАССР-нь Верховнай Совету васенце депутатоньке, минь кельгома алянйке и другоньке Сталин ялгась!

(Бурнай аплодисментт. Мокшень и рузонь кяльса „Ура“ иваткшне-мат.

„Шумбра улеза МАССР-нь Верховнай Совету депутатонди васенце кандидатсь И. В. Сталин ялгась!“)

Англиянь иностраннай тевонь министрть заместителенц заявленияц

134
Лондон, июнь 20-це шистонза. (ТАСС). Рейтер агентстват сообщениянц коряс Английский иностраннай тевонь министрть заместителец Бетлерсь общинань палатаса азозе, што английский,

шведский и норвежский экспортнень эзда Испаниянь незащищенной ошень воздушнай бомбардировкань случайхнень расследовандамаснон инкса комиссиять отправканцы анокламась аделакшневи.

ВКП(б)-нь Мордовский областной Комитет отчетной докладонц коряс Мордовский областной партийнай VI-це конференция резолуцияц

Кулхондомок и обсудиндомок ВКП(б)-нь Мордовский Обкомт работанц колга И. А. Кузнецов ялгать отчетной докладонц, Мордовский областной партийнай VI-це конференцияс лувондсы политический линиянц ВКП(б) нь Мордовский Областной Комитетт правильнайкс и практический работанц удовлетворительнайкс.

Партийнай органонь мекольдены кочкаматнен эзда сывомок йотай кизось ознаменовался грандиозной события минь странаньконь и минь партианьконь эряфса. Тя кизоть пингста минь партианьке тись оцю работа эсь рядонзон чистендамаса фашизмат троцкистско-бухаринский и буржуазно-националистический агентонзон эзда, синь вражеский деятельностьснот последствияснот машфтомаса и партиань члеттнен и кандидаттнен революционной бдительностьснот касфтомаса. Троцкистско-бухаринский, буржуазно-националистический шпиоттнен, диверсанттнен и убийцатнен корянке тарксемасна и машфтомасна равнай капиталистический мирть каршес социализмань странать оцю сражениянц выигрышенцы.

Ня фашистский пизоттнен тапамаснот вельде партиань и советский народс оказали неоценимай услуга миронь тевти, международнай пролетариатт единствань тевонцы, войнать и фашизмат каршес тюреманы тевти.

Пяшкотыкшнемок ВКП(б)-нь ЦК-ть февральско-мартовский и январский пленумонзон решенияснот и Сталин ялгать указаниянзон, Мордовский областной партийнай организацияс, марса минь сембе партианьконь мархта, тись оцю работа фашизмат троцкистско-бухаринский и буржуазно-националистический агентонзон разоблачандамасот и тапамасот, конат ячекшность различнай постс, республикат партийнай, советский, хозяйственной и лия организациянзон, вредительствать последствиянзон машфтомаса и коммунисттнен революционной бдительностьснот касфтомаса.

Чистендамок эсь рядонзон, Мордовский партийнай организацияс тись оцю работа руководящей работас од кадрань партийнай и беспартийнай большевикнен выдвигенияс, конат беззаветна преданайхть Ленинонь—Сталинонь партианснот тевонцы.

Мекольдены 9 кофнен пингста партийнай, хозяйственной, советский и лия работас республикаса выдвинутайхть 1200-да лама ломань.

Большевистский критикать и самокритикать келептеманц и внутрипартийнай демократиять последовательнайста эряфс йотафтоманц основаса Мордовский партийнай организацияс сатсь кой-кодама успех большевизмат тонадомаса, партийнай работать лиякс ладямаса.

Отчетно-выборнай партийнай собраниятнен итогна няфтезь, што кассь коммунисттнен политический активностсна. Партийнай собраниятнен ламосна йотаст оцю идейно-политический уровеньца. 536 первичнай парторганизациян партийнай собранияс пренияс корхность присутствующай коммунисттнен эзда 75 процентс. Собраниятне няфтезь, што од кадратне, конат афкунара выдвинутайхть руководящей партийнай работас, цебарьста справляються тейст максф работать мархта.

СССР-нь Верховнай Совету йо-

тай кочкаматне и йотафневи РСФСР-нь и МАССР-нь Верховнай Советтненди кочкаматненди аноклань работас корхтай сянь колга, што Мордовский партийнай организацияс келептезень и кемокстазень эсь связанзон трудящайн кели массатнен мархта, нинге сяда вярй вастс кеподезе партиань и Советский правительствать авторитетонц, коначайкс СССР-нь Верховнай Совету кочкамста коммунистонь и беспартийнайн сталинский блокть победаса, коса коммунисттнен и беспартийнайхнен блокснот инкса голосовандасть избирательхнен 98,6 процентсна.

Мекпальдены пингоне МАССР-нь промышленностьс цебарьгафтозе эсь работанц. Кда 1937-це кизоня валовой продукциян нолдамань планц ульс пяшкотф 85 процентс, то 1938-це кизонь васенце кварталть пингста планц пяшкотф 103 процентс. Однако вредительствань последствиятнен машфтомасна промышленностьса моли савор, нолдаф продукцият качественнай показателенца, оборудованятнен использованиясна, себестоимость кирьфтамат, бракт каршес тюремасы и трудть производительностенц касомат—ащихть низкай уровеньца и аф пяшкотыкшневихть.

Пяшкотыкшнемок Сталин ялгать лозунгонц—эрь кизоня странати максомс 7—8 миллиартт пугт сьора, минь республикасонк колхозне и совхозне 1937-це кизоня сатсь урожай зерновой культуратнен эса средняяста республикат эзда 12 центнер эрь гектарста. Кассь колхознай трудшити питнец,—колхозникне средняяста эрь трудшити получасть 4,5 килограммат сьора, коначайфнесы колхознен организационно-хозяйственной кемокстамаснот и колхозникнен зажиточностьснот касоманц.

Сембе партийнай, хозяйственной и лия работатнен сяда тов касомасот решающий предпосылкакс ащи ВКП(б)-нь ЦК-ть февральско-мартовский, январский пленумонзон решенияснот, Сталин ялгать исторический указаниянзон неуклоннайста пяшкодёмасна сянь колга, штоба сяда тов юрнек тарксемс и машфнемс троцкистско-бухаринский, буржуазно-националистический и фашизмат лия агенттнен, куроконе машфтомс синь подлай вражеский работань последствияснот, нинге сяда вярй вастс кеподемс революционной бдительность, машфтомс политический беспечность, благодушиять и ротозействать, сяда смелняста кучсемс руководящей работас партиань преданнай партийнай и афпартийнай большевикнен, нинге сяда пях келептемс большевистский критикать и самокритикать и нинге сяда тов келепнемс и кемокснемс трудящайн кели массатнен мархта стоксть.

Конференцияс предупреждает партийнай сембе организациять и башка эрь коммунистт сянь колга, штоба аф нолямс самоуспокоенность и благодушия, и народонь вракнен и синь вражеский деятельностьснот последствияснот разоблаченияс и корянке тарксематевса сатф сатфкснен кодама ба афоль уль переоценкаснот. Фкя ся фактс, што мекольдены пингтисамс кой-кона руководящей посттнен эса (СНК-са, Наркомздравса и лияса) иляткшность народонь вракт, корхтай минь рядоньконь эса нинге неизжитай идиотский урмать благодушиять, ротозей-

ствать и беспечность колга.

Конференцияс мярьгонди промышленностьснот сембе партийнай, советский, хозяйственной и профсоюзной организациятненди, политико-массовой работать, социалистический соревнованиять и стахановский движениять вишкоптемаснот вельде, мобилизовандамс сембе вийть вредительствань последствиятнен машфтомаснотнды, государственнай планть пяшкодёманцы, продукцият качестванц цебарьгафтоманцы, продукцият нолдамста бракт каршес тюрематти, себестоимость кирьфтаманцы и сембе хозяйственно-политический задачатнен эспингст пяхкодёмаснотнды, шарфнемок башка мяль рабочайхнен эрьшинь культурно-бытовой обслуживанияснот цебарьгафтомаснот шири. Промфинплантнен пяшкодёмаса коммунисттне и комсомолесне должет занямс производстваса ведущай авангарднай роль и вятемс эсь мельгасть беспартийнай массат, ащемок производстваса государственнай и трудовой дисциплинань образецокс.

Отмечакшнемок машина кинь транспортть йофсикс афудовлетворительнай работанц—сидеста эряй авариятнен, работань основной показателхнен (измерительхнен) аф пяшкотыкшнемаснот, лафча трудовой дисциплина, политикомассовой работать, социалистический соревнованиять и стахановский движения афудовлетворительнайста ладямаснот—конференцияс обязывает Обкомт, партиань райкомтнен и Рузаевский отделениян политотделть, примамс решительнай мерат вредительствань последствиятнен куроконе пингста машфтомаснотды, политико-массовой работать вишкоптеманц инкса, железнодорожникнен йоткса соцсоревнованиять и стахановский движения вишкоптемаснот инкса стая, штоба маластонь пингть обеспечиндамс измерительхнен 100 процентс пяшкодёмаснот, аварияфтомат работать, станцият, паровознай и вагоннай депоть образцовай работаснот и рабочайхнен и начальствующай составть йоткса трудовой дисциплина кемокстаманц.

Велень хозяйствань областса сяда товолдонь основной задачкакс ащи колхозникнен, совхозса и МТС-са рабочайхнен мобилизациясна велень хозяйстваса вредительствать последствиянзон инь куроконе машфтомаснот инкса, 7—8 миллиартт пугт сьоронь сывомать колга Сталин ялгать указаниянц сатфкс мархта пяшкодёманц инкса, каньфть и лия технический культуратнен урожайностснот сембе вийса касфтоманц инкса, велень хозяйстваса севооборотонь правильнай планированиять эряфс йотафтоманц инкса, сембе колхознен большевистскийкс, а колхозникнен зажиточнайкс инь куроконе тиймаснот инкса.

Конференцияс шарфнесы сембе партийнай организациять оцю мяленц велень хозяйстваса социалистический соревнованиять пяхкона вишкоптеманц и стахановский движения нинге сяда оцюста касфтоманц инкса, эрь гектарста 100 пугт сьоронь, гектарста аф 10 центнерда кржа южной каньфонь и аф 5 центнерда кржа средне-русский каньфонь урожайть инкса, Чувашский и Татарский АССР-тянь мархта социалистический соревнованияс васенце вастть сатоманц инкса.

Жуватань водямат вишкоптема-са, сядонга пях сьору оцю жувань и алашань поголовьят касфтомаса прокс афудовлетворительнай состоянция лувомок, конференцияс обязывает партиань Обкомт и партийнай сембе организациятнен неуклоннайста пяшкотыкшнемс 17-це партс'ездса Сталин ялгать указаниянзон сянь колга, што:

„Жуватань водямат тевть должны сывомс эсь кядезосг сембе партиань, сембе минь партийнай и беспартийнай работаньке кирдемек мяльса, што жуванань водямат проблемасы ащи тяти стама жа первоочередной проблемакс, кодамкс ульс исак зерновой проблемасы, конач сатфкс мархта разрешеннайни“.

Совхозса, МТС-са и колхозса руководителхненди маластонь задачкакс ащи урожайть, сядонга пях сортовой видефнен урядамаснотды образцовайста аноклань и синь йотафтомасна, паринань сокамасы, кочкомасы и государствать инголе сембе обязательстватнен эспингстонца пяшкодёмасна.

Колхозненди единоличнай хозяйстватнен сувафтомаса явна афудовлетворительнай работать лувомок, конференцияс веши партийнай и советский организациятнен, МТС-тнен и колхознен сембе руководителснот эзда сатомс единоличникнен йоткса политико-массовой работать келиста вишкоптеманц, колхозненди синь сувафтомаснот, решительнайста куроконе колхознен эзда колхозникнен панцемаса кой-кона руководителхнен тяряфнемаснот каршес, строгайста пяшкотыкшнемс „Колхознен эзда колхозникнен паньчездост аф мярьгомат колга“, „Колхознен эса дохоттнен афправильнайста явомаснот колга“, „Единоличнай хозяйстватненди налокнен и лия обязательстватнен колга“ 1938 кизонь апрельть 19-це шистонца партиань и правительствать решенияснот.

Велень хозяйствать сяда пях касфтоманцы и очередной задачатнен сатфкс мархта разрешандамаснотды решающей предпосылкакс ащи народонь вракнен сяда тов корянке тарксемасна, синь вредительский работаснот последствияснот машфтомасна, трудовой дисциплина кемокстамат, социалистический собственност ванфтомат, вельхозяственной артелен устави строгайста эряфс йотафтомат и колхозникнен, МТС-нь и совхозонь рабочайхнен йоткса массово-политический работать вишкоптемац.

Лувомок сянь, што прокс афудовлетворительнай руководствасы колхознен эса руководящей кадрань подборть лангса, конференцияс мярьгонди партиань районнай комитеттненди и райисполкомтненди, штоба эсь работасот шарфнелхть башка мяль колхознен эса честнай и социализмань тевти преданнай колхозонь председателен, завхозонь, колхозно-товарнай фермань заведующайн, бригадиронь, учетчиконь и лиян подборти, лангсост руководствань вятемати и синь колхозга кемокстамаснотды, решительна чистендамс колхознен, МТС-тнен и совхознен эзда вредительхнен, саботажникнен и лия антисоветский элементт, конат яцесь руководствати и вятихть вражеский работа колхознен калафтомас-

ВКП(б)-нь Мордовский областной Комитетт отчетнай докладонц коряс Мордовский областной партийнай VI-це конференциять резолюцияц

нон инкса. Эряви эрьшина тонад-кшнемс руководящай кадратнен работаснон и макссемс теист прак-тический лезкс работасост. Кон-ференциясь мярьгонди партиянь Обкомт кемокамс тяфтажа Нар-комземть аппаратонц кеме, прове-ренной партийнай и афпартийнай большевикса.

Конференциясь лувондсы прокс афкирдемшканди, мзярда благо-устройствань, строитељствань ки-зефксенди, кода республиканский центратор—Саранск ошть стро-ительстванцы, станя и районнай центраторнен строитељстваснонды МАССР-нь ЦИК-сь и СНК-сь и рай-исполкомтне аф шарфнихть сатом-шка мяль, конань сюнеда Саранск ошсь и районнай центраторне ашихть запущеннай состоянияс и аф шяшкотькшнесазь трудящайхнен м и н и м а л ь н а й потребностнон культурно-бытовой обслуживани-яс. Конференциясь мярьгонди партиянь Обкомт, МАССР-нь ЦИК-ти и СНК-ти, а тяфтажа рай-исполкомтненди и партиянь рай-комтненди шарфнемс башка мяль кизефкснен ланкс и 1938-1939-це кизоня строямс Саранск ошса и районнай центраторнен эса клупт, паркт, культурань кутт, столо-вайхть, прачечнайхть и оборонань кутт сняра, штоба синь пшкоче-лезь населениять касы потреб-ностензон.

Партийнай сембе организацият-нен башка мяльсна должен улемс шарффт национальней формас ко-ря и социалистический содержа-нияс коря мордовский культурат-нинге сядонга пшк развитианцы.

Лувомок, што республика-са прокс афудовлетворительнай состоянияс ащи торговлясь, кон-ференциясь веши Саранск ошнен и районнай советский и торгую-щай организациятнен ширде ре-шительна цебарьгафтомс торговай сетть работанц, вишкотеми това-рооборотть станя, штоба педа-лес обеспечиндамс трудящайхнен запроснон широкай потреблени-ань предметса.

Пощадафтома панцекомс торго-вай организациятнен аппаратста растратчикнен, ворхнен, жулик-нен и разложившайхнен, эряви сядо смелста выдвигать од кадрат партийнай и беспартийнай боль-шевикт кооперативнай и государ-ственно-торговой системаз, моби-лизовандамс торговай сетть ра-ботниконзон вниманияснон вре-дительнось последствиянзон сядо курукона машфтомаснонды.

Партийнай организациятнен ин-голи конференциясь путни инь основной задача—сембе партий-но-политический работат сядо товодонь цебарьгафтоманц. Об-ластной Комитетт и партиянь рай-комтнен важнейшай задачасна ащи сян эса, штоба политически воспитат партийнай, хозяйствен-най и лия од кадратнен, конат выдвинутайхть руководствати, тонафтомс синь большевизмати, маштомс сочетать хозяйственной и политический работат. Конфе-ренциясь мярьгонди партиянь Об-комт 1938 кизонь аф июльда поз-дна организовандамс райкомонь, парткомонь секретарьхнен, парт-оркнен, пропагандистнен, парт-ийнай кабинетонь заведующайх-нен и сембе партийнай активть тонафнеманц.

Конференциясь лувондсы, што партийнай пропагандась эряви ор-ганизовандамс тяфтажа, штоба эр-коммунистсь, конац тонафни пар-тийнай сетьса, улель сонць про-пагандистокс трудящай кели мас-

сатнен йоткса большевизмать идеянон азонткшнемаса.

Конференциясь мярьгонди Обком-ти, райкомтненди и сембе первич-най партийнай организациятненди тиймс цебарь порядка партийнай просвещениянь кружокнен работас-нонды, кемокамс някружокненди тонафнийнь составть и обеспечин-дамс сембе партийнай школатнен и кружокнен эзга арьсефсрокста тонафнема курсть аделаманц, орга-низовандамок партучебат киза кувалмонь пингонди и пощадафто-ма тюремс партийнай просвеще-нияс сезонностть каршес, систе-матически пуропнемс пропаган-дисттнен опытонь полафнемать, инструктажть инкса, макссемс эр-шинь лезкс синь пропагандист-ский работаснонды.

Конференциясь лувондсы, што коммунисттнен йоткса партийнай дисциплинат кемокамс тевса вредительнось последствияз машфневихть пшк саворста. Башка коммунисттнен йоткса занци васта мелкобуржуазнай расхлябан-ностсь, пьянствондамась, партий-най поручениятнен аф пшкоче-кшнемасна, колхозненди и вель-советтненди работам молемаь эзда атказамась (Инсарский, Ко-вылкинский и Вертелимский рай-оттне). Конференциясь мярьгонди Обкомт и партиянь райкомтненди примамс решительнай мерат пору-ченной работат инкса ответствен-ностть касфтомаса коммунист-тнен йоткса партийнай дисципли-нат кемокамс анцы, комчванст-вать и распушенностть сядо курук машфтомаснон инкса, партиять уставонц строгайста и неуклон-найста пшкоче-кшнеманц инкса.

Штоба тиймс партийнай собра-ниятнен партиянь члентненди и кандидаттненди большевистский воспитаниянь школак, конферен-циясь лувондсы эрявиксонди при-влекать партиянь сембе члентнен активнай участия партийнай соб-ранияс обсуждандакшневи ки-зефкснен анокламаса и решан-дамаса. Партийнай собраниятнен эса эрявихть путнемс важнейшай кизефксне даннай предприятия, совхозть, МТС-ть, колхозть эря-фонц и работанц колга, внутри-партийнай работат основной ки-зефксонзон колга, партиять и пра-вительстват решениянон колга, а тяфта жа странат международ-най и внутренней кизефксонзон колга.

Партиять касомаса афваномок кой-кодама сатфкснен лангс, кон-ференциясь лувондсы партиять касфтомаса партийнай организа-циятнен работаснон афудовлет-ворительнайнди, сембодонга пшк ся райоттнен эса, кода Лямбир-скийса, Рыбковскийса, Пурдошан-скийса и Старо-Шайговскийса, ко-са 1938-це кизонь васенце квар-талста исть прима партияв фкявок-ломань. Конференциясь мярьгонди партиянь Обкомт и районнай ко-митеттненди строгайста руководст-воваться партиянь Центральнай Комитетт указаниянон мархта, штоба курукона машфтомс недо-оценкат партияв примам тевса, решительнайста цебарьгафтомс работат и ламоня таргамс пар-тиянь и сочувствующайн ряттнен-ди республикань инь цебарь передовой ломаттнен, васенда-киге рабочайхнен-ста хановец-нен промышленностьта и велень хозяйства, шарфнемок серьез-най мяль коренной национальнос-тень трудящайхнен таргамаснон лангс, сембодонга пшк аватнен, работницатнен, трактористкат-

нен и лиятнен.

Йотафнемок эряф: ВКП(б)-нь ЦК-ть январский Пленумонц ре-шениянон, Мордовский парторга-низациясь йотафтсь оцю работа эльбяткшнен петемаса, конат ульсть нолдафт коммунисттнен партияста панцемаснон пингста.

Конференциясь мярьгонди пар-тиянь Областной Комитетт и рай-комтненди машфтомс валовой огульной подхотть ломаттненди, сядо решительнайста разоблачан-дакшнемс народонь вракнен, карьеристтнен, двурушникнен и перестраховщикнен, конат бди-тельность колга юваткшнемаса старандайхть кшнемс эсь враж-дебностнон и ванфтомс эсь пряс-нон партиянь ряттнен эса и мя-ляфтомс ВКП(б)-нь ЦК-ть январ-ский Пленумонц решениянц сян колга, што:

«...Коммунисттнен й о т к с а улихть нинге апак лифтть и апак разоблачандак башка карьеристт-коммунист, конат старандайхть отличандам и выдвинуться пар-тияста панемать вельде, партиянь членттнен каршес репрессиятнен вельде, конат старандайхть стра-ховандам эсь пряснон бдигель-ностень афсатомаса возможнай обвинениятнен эзда, партиянь членттнен каршес огульной ре-прессиянь применениянь вельде».

Максмомок оцю значения пар-тийнай активть мархта работати и партийнай активть оцю роленцы партиять и правительстват реше-ниянон эряфс йотафтомста ком-мунисттнен и беспартийнайхнен мобилизовандамаса, конферен-циясь мярьгонди партиянь горком-ти и райкомтненди важнейшай по-литический и хозяйственной кизе-фкснен колга горкомса и райком-тнен эса регулярнайста тернемс и цебарьнаста аноклакшнемс пар-тийнай активонь собраниятнен.

Афваномок республикаса рес-публиканский и районнай печатть и издательский тевт работанц кой-кодама цебарьгадоманц лангс, печатсь нинге ламода аф отве-чакшни ся требованиятненди, ко-натнен путозень партиясь печатть инголи. Газетатнен страницаснон лангса пшк калдывста няфневихть партийнай эряфонь кизефксне, лафчста вятихть тюрема народонь вракнен разоблачандамаса, газе-татне сидеста ноляхть грубай по-литический эльбяткст, йофси аф-сатомшка вятихть руководства ра-ботелькорхнен лангса, калдывста сотефт читателень кели массат-нен мархта.

Издательский работаса нинге сидеста кирневи нолявикс литера-турась, нолявихть политический эльбяткст, искаженият, небреж-ностть.

Конференциясь лувондсы, што печатти важнейшай задачас ащи кеподемс печатть роленц наро-донь вракнен разоблачандамаса, большевистский критикать и са-мокритикать йотафнемаса, боль-шевистский бдительнось нинге сядо вяр вастс кеподемаса.

Конференциясь п о р у ч а е т ВКП(б)-нь обкомт и райкомтнен-ди кемокамс республиканский и районнай газетатнен редакция-снон и Мордгизть составснон луч-шай, политически грамотнай и провереннай ялгаса. Печатень страницатнен эса эряви эрш шия и глубокайста освещать партий-най эряфонь и хозяйственно-поли-тический кампаниянь кизефкснен.

Народнай просвещениянь, здра-воохранениянь и наркомсобесонь наркоматтнен работаснон аф

удовлетворительнай состоянианц лувомок, конференциясь мярьгон-ди партиянь Областной Комитетт од составонцы маластонь пингть обсуидить кизефкст синь работа-снон состоянианц колга и примамс решительнай мерат вредительно-вать последствиянон инь курук машфтомаснон инкса и партиять и правительстват путф задачас-нон коряс народной образованиянь, здравоохранениянь и социальной обеспечениянь тевса сембе рабо-тат кореннойста одукс ладяманц инкса. Наркомсобести эряви шар-фтомс мяль взаимопомощань кол-хознай кассатнен организация-снон и работаснон лангс.

Взрослай населениять йоткса неграмотностть и малограмотностть машфтомаса Наркомпротсь и на-роднай образованиянь районнай отделхнен прокс афудовлетво-рительнай работаснон лувомок, конференциясь мярьгонди пар-тиянь Обкомт, МАССР-нь ЦИК-ти и СНК-ти примамс мерат кизоть йотамс неграмотностть и малогра-мотностть педа-пес машфтомаса, а допризывникнен йоткса тя ки-зонь сентябрь самс.

Комсомолг работаса нинге тя-нимс партийнай руководстват лафчашинц лувомок, конферен-циясь обязывает партиянь Обкомт, горкомт и райкомтнен макссемс комсомолги эршинь практичес-кий лезкс одломаттнен и итнен большевистский воспитаниянь тевсост, систематически кулхэн-кшнемс эсь заседаниясост комсо-мольский работань кизефкснен колга районнай и первичнай ко-мсомольский организациятнен ру-ководительснон.

Добровольнай обществатнен (МОПР, СВБ и лият) работаса оцю афзаткшнен няфтемок, парткон-ференциясь мярьгонди партиянь Обкомт, горкомт и райкомтнен-ди кемокамс ня организацият-нен провереннай и работоспособ-най коммунистса, комсомолца, афпартийнай большевикса, лувомок антирелигиознай и мопровский работат партийнай организацият-нен массово-политический рабо-тасост составной пшксокс. Баш-ка мяль эряви шарфтомс проле-тарский интернационализмнь и трудящайхнен международнай со-лидарностень духса трудящай-хнен воспитанияснонды.

Партийнай конференциясь лу-вондсы массово-обороннай рабо-тат (Осоавиахимт) организованда-манц пшк оцю значениянц, лятфга-мок Сталин ялгать указаниянон сян колга, што:

«...эряви сембе вийса виш-коптемс и кемокамс минь Як-стерь Армияньконь, Якстерь Фло-тоньконь, Якстерь Авиациянь-конь, Осоавиахимоньконь. Эряви сембе минь народоньке кирдемс мобилизационнай готовностень состоянияс военной нападениянь опасностть инголе, штоба минь внешнай врагоньконь кодамовок „случайностна“ и кодамовок фокуссна не могли занямс минь врасплох...»

и мярьгонди ВКП(б)-нь Обкомт, ВЛКСМ-нь Обкомт и ОСО-нь Центральной Советть мархта мар-сатиймс практический мероприя-тиянь конкретнай план респуб-ликаса обороннай работат виш-коптеманц колга.

Конференциясь мярьгонди Обком-ти и партиянь райкомтненди йо-тафтомс работа, штоба фатямс осоавиахимовский членстваса сембе коммунисттнен и комсомолцнен (Пец 4-це стран.)

158

ВКП(б)-нь Мордовский Областной Комитет отчетный докладонц коряс Мордовский областной партийной VI-це конференциять резолюцияц

(ПЕЦ)

и решительна касфтомс воронковской стрелокнен, ПВХО-нь и санитарной оборонань значистнен, автомобиль и тракторы вожделениясно овладениянц и парашютизмат овладениянц инкса, а также аэроклубы работанц цебаргафтоманц инкса. Партруководительхне и партактивс ты важнейшай тевть эса должет улемс застрельшикокс и инициаторкс, няфнемок военной тевть содаманц инкса цебарь образеит.

Отмечандамок профсоюзной организациятнен лафча работаснон профсоюзонь члетнен йоткса социалистический соревнованиять организовандамаса, стахановский движения и массово-политический работат вишкотема, конференциясь мярьгонди Обкомти и ВКП(б)-нь райкомтенди примамс решительнай мерат профсоюзной работат живолгофтоманцы, освободиндамс профсоюзной организациятнен сят руководителхнен эзда, конат аф способнайхть руководител профсоюзной работаса, кемокстамс профсоюзнен провереннай и работоспособнай ялгаса.

Конференциясь лувондсы, што ВКП(б)-нь Обкомт отделонца танийн пингть самс нинге ашезть тей цебарьста работаснон райотнен лангса живой конкретнай и оперативнай руководстват ладяманцы. Конференциясь мярьгонди ВКП(б)-нь Обкомт од составонцы ладямс работат тяфтаны, штоба отделхнен работниксна систематически контролировали райкомтнен и первичнай парторганизациятнен работаснон и эспингстонца макссельхть тейст практический лезкс ломанень му-маса и сембода пях решениятнен пашкоткшнемаснон проврямаса, мяляфтомок Сталин ялгаты валонзон: „Главнайсь организационнай работаса—ломанень подборьс и исполненинь проверкась“.

Лувондомок, што избирательнай кампаниясь суvasь решающей стати, мзярда должен улемс виш-

коптьф политический агитация кандидаттнен инкса эрь избирательнай округь эзга, конференциясь мярьгонди партийнай, профсоюзной, советской и комсомольской организациятненди фатямс массово-политический работаса сембе трудящиххнен, сочетандакшнемок РСФСР-нь и МАССР-нь Верховнай Советтнен кочкамаснонды анокламань хозяйственно-политический кампаниятнен йотафтомаснон мархта.

Конференциясь башка мяль шарфни агитационнай работат качестванц касфтоманц, сонь злободневностенц и большевистский воинственностенц шири и мярьгонди сембе партийнай, советской, профсоюзной, комсомольской организациятненди йотафтомс РСФСР-нь и МАССР-нь Верховнай Советтнен предстоящей кочкамаснон нинге сядонга цебарьста, нинге сядонга организованнаста, чем СССР-нь Верховнай Совету кочкаматнен, сембе ширде кемокснемок коммунистонь и беспартийнайнь афсяськовикс сталинский блокть.

Областной партийной конференциясь тернесы Мордовский партийнай сембе организациять нинге сядонга вярй кеподемс организационно-политический работат уровененц, нинге сядонга вию энергияса йотафнемс эряфс партиять и правительстват решенияснон, беспощаднаста тюремс народонь сембе вракнен каршес, нинге сядонга пяхкемокстамс мордовский народть СССР-нь сембе нароттнен мархта братский содружестванц, инь пях великий русский народть мархта, максемок кеме отпор народонь сембе вракненди, конат тяряфнихть тиймс СССР-нь народтнен йоткс рознь (кяж), нинге сядонга теснаыста пуроптомс эсь рядонькон Ленинско-Сталинский ВКП(б)-нь ЦК-ть перьф, вождть, другть и учительт великий Сталинть перьф.

Спартаковецнен замечательнай результатсна

Июнь ковть 18-це шистонца вассенцеда Саранский йотафть велосипеднай соревнования, коса спартаковецне сатсть цебарь результат. Соревнованиясь примасть участия 13 спартаковец.

Назарова ялгась („Спартак“) 10 километрань дистанция йотазе 34 минута 45 секундн пинкта. Сон вассенцес сась финишти. Зотова ялгась („Спартак“) сон сась омбоцекс 39 минутань 38 секундн пинкта.

10 километрань дистанция вассенце васть зайнязе Гринин ялгась (31-це № средней школаста) и омбоцекс васть Самошкин ялгась (31-№ школаста).

20 километрань дистанция вассенце васть зайнязе Абудеев ялгась („Спартак“) сон пингоц 1 част 1 минута, омбоце васть зайнязе Хохловсь (Пенькокомбинат)—1 част 1 минута и 49 секундн.

Особенно эряви отметить Назарова ялгаты результатонзон и алятнен эзда Абудеевть, конат обещадайтхть улемс странань фкия инь лучшей велосипедистокс.

Купер

Футболса республиканский розыгрышсь

Июнь 18-це шистонца „Учитель“ стадионца ульсь йотафть официальный матчт футболса первенстват инкса.

Ровна 5 частста ушедсь налхкомась. «Военвед» обществась налхкс ардатовский сборнай командат мархта. Налхкомась аделавсь 1:0 военведовецнен пользас.

Тяда меле налхксть Саранск очень „Спартак“ обществат 1-це команда „Пищевикть“ мархта. Налхкомась аделавсь 3:2 спартаковецнен пользас. Судьять ошибочнай вьяшкдонца меле, мзярда спартаковецне лоткасть ни налхкомда пищевиковецне сетказост панцть гол, а кода правила судьять вьяшкдонца меле мячс лувондови мертвайкс следующай знакть максоме, Тяс судьясь Радомский ялгась нарушил физкультурнай правилатнен.

Зрительхне возмущения мархта ванцть ты рогозей судьять лапкс и эрь ломанц думондакшнес и корхнес ялганзонды — кие тяфтама рогозейт пугозе судьякс вдь сон не придерживаетсь физкультурнай правилатненди?..

Тяста няеви, што физкультурнай и спортонь комитетсь и сонь председателец Глебов ялгась няфнезе розыгрышть организовандамаса калдыв эсь заботанц.

Зритель.

Радостнай митинг

Малаткшни июнь ковть 26-це шиц—союзной и автономнай республикань Верховнай Советонь кочкамань шись.

Тя радостнай шити аноклайхть РСФСР-нь и МАССР-нь сембе трудящиххне.

Июнь ковть 12-це шистонца Од-Ямской 25-це № избирательнай округа ульсь йотафть митинг, коса избирательхне васседсть МАССР-нь Верховнай Совету депутатонди выдвинутый кандидат Иван Павлович Панкратовть мархта.

Митингты пуромсь 500-шка избиратель, конат пеефема преданайхть коммунистический партия и международной пролетариатт вожденцы кельгома Сталин ялгати.

Митингть панжезе райисполкомонь председателсь Бусалов ялгась, сон пуромксть панжемста азозе, што июнь 26-це шиня сембе кода фкия мольтяма избирательнай урнатненди, коса макссась эсь вайгяленьконь коммунистонь и беспартийнайнь сталинский блокть инкса.

Сяда меле выступил „Валда ян“ колхозонь колхозникс—стахановец Дворецкий ялгась, сон эсь выступлениясонза корхтась, што минь радостнай счастливый страна-сонок трудящиххне кельгома вождть Сталин ялгаты руководстванц ала сембе СССР-нь народти максфсамый демократический Конституция, ты Конституциясь трудящиххненди макссь права выбрать и улемс выбранайкс властен Вер-

ховнай оргаттненди. Минь ты за контть коряс июнь ковть 26-це шистонца мольтяма избирательнай урнатненди, коса макссась эсь вайгяленьконь родинат преданай ломанензон инкса, конат выдвинутый РСФСР-нь и МАССР-нь Верховнай Советтненди депутатонди кандидаткс.

Тяда меле выступил „Валда ян“ колхозонь председателсь Сарокин ялгась, кода азозе, што „минь эрятама свободнайста, радостнайста и счастливыйста, минь колхозниконьке арасть зажиточнайкс, а колхозоньке большевистскийкс, тын максозе большевистский партиясь и минь вожденке Сталин ялгась. Выборонь шиня сембе кода фкия мольтяма избирательнай урнатненди, коса макссась эсь вайгяленьконь цебарь колхозонь председателсь Панкратов ялгаты кандидатуранц инкса“.

Выступил МАССР-нь Верховнай Совету депутатонди выдвинутый кандидатс Панкратов ялгась. Сон выступлениясонза азозе, — мон Од-Ямской избирательнай округонь избирательхненди азондан ошю благодарность ты довериять инкса, конань оказали избирательхне, выдвигандамок монь кандидатуразень МАССР-нь Верховнай Совету депутатонди.

Мон ты довериять оправдаучесть мархта, путса сембе виезень социалистический родинань трудящиххнен благаснонды.

П. В. Кузнецов.

Пурдошанский р-н.

Машфтомс обывательщинатъ

Калдывста работайхть Гумна велень комсомолце избирательнай участка. Синь пятай кодамовок агитационнай работа избирательхнен и сембе населениять йоткса аф вятихть. Ломонц комсомолценень аф комсомольский отношениясна порученат тевти. Мзярда велень советсь эняльди, максомс тейнза лезкс РСФСР-нь и МАССР-нь Верховнай Советонь выборхненди анокламань, то комсомолце Сергейки, Серебряков и Чугунов отвечахть: „Кармат пандома тьякса ярмакт работатама, аф пандат, то работавок минь эздонок тят вешенде“. Аф простительна нят ялгатненди, кода Ленинский комсомолонь члеть обывательски отзываться ты важнейшай и пях ответственной тевть ланкс. Тяфтамогут корхтамс и вятемс эсь пряснон аныцк обывательхне, а аф лениецне, аф большевикне. Тядонга страннай заявленияц учительт—комсомолец Серебряков ялгаты. Тейнза, кода участковой комиссиясь членонди энялдсть лездомс избирательнай спискатнен тиамаса, а сон категорически отказась и азозе: „Панттада трешник фамилияти, карман сьормадома, аф панттада, то эста сьормакшненинь тинць“. Тя аф комсомольский поведения, а настоящей обывательства. Тяфтама поведениясь аф терпимай! Комсомолонь райкомти эряви варжакстомс Гумна велень комсомольский организациять работанц ланкс и примамс соответствующай мерат обывательстват мархта.

Серебряков ялгати пинге ни шарьхкедемс комсомолть основной

задачанц, што комсомолс—ты пропагандистский организация и сонь членонца обязат йотафнемс одломаттнен и сембе населениять йоткса политико-воспитательнай работа, воспитандамсинь коммунизмань духса, пинге ни шарьхкедемс, што комсомолс вяти решительнай тюрема обывательхнен каршес.

Эряви азомс и ся, што Гумна велень комсомолце политический грамотностснон аф кепсесазь, аф кепсесазь эсь идейно-политический уровенцнон. Нльне газетатка кивок эздост аф сьорматфни, аф корхтамок ни политический ия литературань колга. Аф кунара „Комсомолонь вайгаль“ газетась сьормадсь ты велень фкия комсомолець Сергейкинь колга, што сон мезнятка аф тиенди—эрь футлярса, но добавить, што Сергейкинь аф ськамонза, сон ялганца Чугуновсь и Серебряковсь станя жа „фуглярсот“, мезнятка аф тиендихть.

Ковылкинань комсомолонь райкомсь пях лац содасыне нят комсомолецнен бездельяснон, но мерат кодапка аф примоси, мярьгат аф сонь ты тевсь, штоба ладямс первичнай организациятнен работаснон.

Минь вештяма Ковылкинань ВЛКСМ-нь райкомть ширьде, куроконь пинкта проверямс Гумнань комсомолецнен работаснон и примамс эрявикс мерат ты организациясь политико-воспитательнай работат ладямаса.

Комсомолец.

Ковылкина р-н.

Ответ. редакторть инкса
Н. АЛЕМАЕВ.